

**-UPRAVNI ODBOR-**Broj: 02- ~~42~~...../18

Sarajevo, 26. 02. 2018. godine

Primljeno: 06.03.2018.			
Org. jed.	B r o j	Prilog	Vrijednost
	01-3-	1196/18	

Na osnovu člana 17. Zakona o javnim nabavkama ("Sl. glasnik BiH", broj: 39/14), člana 129. Zakona o visokom obrazovanju („Sl. novine Kantona Sarajevo“, broj: 33/17), člana 53. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, na prijedlog Senata Univerziteta u Sarajevu od 21. 02. 2018. godine, a u skladu sa finansijskim planom Univerziteta u Sarajevu/organizacione jedinice Univerziteta u Sarajevu za 2018. godinu i Mišljenjem Odbora za finansije Univerziteta u Sarajevu broj: 0101-1173/18 od 19. 02. 2018. godine, Upravni odbor Univerziteta u Sarajevu, na četvrtoj redovnoj sjednici održanoj dana 26. 02. 2018. godine, d o n i o j e

**O D L U K U**

**o utvrđivanju/usvajanju Plana javnih nabavki integrisanog Univerziteta u Sarajevu za 2018. godinu**

**Član 1.****(Predmet odluke)**

Utvrđuje/usvaja se Plan javnih nabavki integrisanog Univerziteta u Sarajevu za 2018. godinu u **ukupnom iznosu od 16.374.135,90 KM bez PDV-a**, koji sadrži Plan javnih nabavki Univerziteta u Sarajevu i planove javnih nabavki organizacionih jedinica Univerziteta u Sarajevu u ukupnim iznosima kako slijedi:

	UNIVERZITET/FAKULTET/AKADEMIJA/INSTITUT	Ukupan iznos robe-usluge-radovi KM bez PDV-a
1.	UNIVERZITET U SARAJEVU (REKTORAT I CENTRI)	2.146.651,92
2.	AKADEMIJA LIKOVNIH UMJETNOSTI	207.000,00
3.	AKADEMIJA SCENSKIH UMJETNOSTI	186.239,28
4.	ARHITEKTONSKI FAKULTET	202.970,00
5.	EKONOMSKI FAKULTET	720.379,01
6.	ELEKTROTEHNIČKI FAKULTET	569.400,00
7.	FAKULTET SPORTA I TJELESNOG ODGOJA	569.500,00
8.	FAKULTET ZA KRIMINALISTIKU, KRIMINOLOGIJU I SIGURNOSNE STUDIJE	578.700,00
9.	FAKULTET POLITIČKIH NAUKA	360.180,00
10.	FAKULTET ZA SAOBRAĆAJ I KOMUNIKACIJE	385.360,00
11.	FAKULTET ZDRAVSTVENIH STUDIJA	222.310,00
12.	FARMACEUTSKI FAKULTET	142.100,00
13.	FILOZOFSKI FAKULTET	463.300,00
14.	GRAĐEVINSKI FAKULTET	1.467.000,00
15.	MAŠINSKI FAKULTET	545.200,00
16.	MEDICINSKI FAKULTET	1.370.358,00
17.	MUZIČKA AKADEMIJA	208.340,00
18.	POLJOPRIVREDNO-PREHRAMBENI FAKULTET	626.200,00
19.	PRAVNI FAKULTET	191.900,00
20.	PRIRODNO-MATEMATIČKI FAKULTET	352.760,00

21.	PEDAGOŠKI FAKULTET	56.960,00
22.	STOMATOLOŠKI FAKULTET SA KLINIKAMA	2.391.700,00
23.	ŠUMARSKI FAKULTET	471.476,00
24.	VETERINARSKI FAKULTET	1.342.094,95
25.	INSTITUT ZA GENETIČKO INŽENJERSTVO I BIOTEHNOLOGIJU	299.708,84
26.	INSTITUT ZA HISTORIJU	46.100,00
27.	INSTITUT ZA ISTRAŽIVANJE ZLOČINA PROTIV ČOVJEČNOSTI I MEĐUNARODNOG PRAVA	122.741,90
28.	INSTITUT ZA JEZIK	46.300,00
29.	ORIJENTALNI INSTITUT	81.206,00

#### **Član 2.**

##### **(Sastavni dio odluke o utvrđivanju/usvajanju plana javnih nabavki)**

Sastavni dio ove Odluke o utvrđivanju/usvajanju Plana javnih nabavki integrisanog Univerziteta u Sarajevu za 2018. godinu čine Plan javnih nabavki Univerziteta u Sarajevu (Rektorat i centri) i planovi javnih nabavki organizacionih jedinica Univerziteta u Sarajevu, koji obuhvataju nabavku roba, usluga i radova, te sadrže podatke o predmetu nabavke, oznake iz jedinstvenog rječnika javnih nabavki, procijenjenu vrijednost nabavki, vrstu postupka, okvirno vrijeme pokretanja postupka nabavki i zaključenja ugovora i podatke o izvoru finansiranja.

#### **Član 3.**

##### **(Pokretanje postupka javne nabavke)**

(1) Postupak javne nabavke predviđene u planu javnih nabavki pokreće se donošenjem odluke o pokretanju postupka nabavke u pisanom obliku, koja obavezno sadrži elemente utvrđene članom 18. stav (1) Zakona o javnim nabavkama BiH.

(2) Ovlašćuje se rektor Univerziteta u Sarajevu/rukovodilac organizacione jedinice, da za svaku stavku predviđenu u planu javnih nabavki Univerziteta u Sarajevu/organizacione jedinice donese odluku o pokretanju postupka javne nabavke, te da nakon uspješno okončanog postupka javne nabavke donese odluku o izboru najpovoljnijeg ponuđača, zaključi ugovor o javnoj nabavci sa izabranim ponuđačem i potpisuje svu finansijsku dokumentaciju u cilju izvršenja ugovorenih obaveza ili da donese odluku o poništenju postupka i odluku o pokretanju ponovnog postupka pod uslovima utvrđenim Zakonom o javnim nabavkama BiH.

#### **Član 4.**

##### **(Obaveza postupanja u skladu sa zakonom i podzakonskim aktima)**

Obavezuju se rektor Univerziteta u Sarajevu/rukovodilac organizacione jedinice da postupak javne nabavke provodi u skladu sa Zakonom o javnim nabavkama BiH i podzakonskim aktima koji su doneseni u skladu sa zakonom.

#### **Član 5.**

##### **(Objavljivanje plana javnih nabavki)**

Univerzitet u Sarajevu / svaka organizaciona jedinica objavljuje svoj plan javnih nabavki za 2018. godinu na svojoj internetskoj stranici u roku koji je utvrđen Zakonom o javnim nabavkama BiH.

#### **Član 6.**

##### **(Izmjena ili dopuna plana javnih nabavki)**

(1) Plan javnih nabavki Univerziteta u Sarajevu/organizacione jedinice se može tokom budžetske godine izmijeniti ili dopuniti ukoliko se ukaže potreba za pokretanjem novih i/ili brisanjem već predviđenih postupaka javnih nabavki, a u skladu sa obezbijedenim finansijskim sredstvima.

(2) Pod izmjenom plana javnih nabavki se podrazumijeva brisanje planiranog predmeta nabavke, izmjena planiranog predmeta nabavke, izmjena vrste postupka nabavke, procijenjene vrijednosti nabavke ili vremena pokretanja postupka nabavke.

(3) Pod dopunom plana javnih nabavki se podrazumijeva planiranje novog predmeta nabavke u slučaju nastanka potrebe za nabavkom robe, usluge ili radova.

(4) Posebnu odluku o izmjeni ili dopuni plana javnih nabavki (pokretanju postupka nabavke) za nabavku roba, usluga ili radova, čija pojedinačna procijenjena vrijednost ne prelazi iznos utvrđen Statutom za čije korištenje je ovlašten rektor Univerziteta u Sarajevu/rukovodilac organizacione jedinice, donosi rektor Univerziteta u Sarajevu/rukovodilac organizacione jedinice.

(5) Posebnu odluku o izmjeni ili dopuni plana javnih nabavki (pokretanju postupka nabavke) za nabavku roba, usluga ili radova, čija pojedinačna procijenjena vrijednost prelazi iznos utvrđen Statutom za čije korištenje je ovlašten rektor Univerziteta u Sarajevu/rukovodilac organizacione jedinice, na njihov prijedlog, donosi Upravni odbor Univerziteta u Sarajevu.

(6) Posebna odluka iz stava (4) i (5) ovog člana mora sadržati obrazloženje o neophodnosti i osnovanosti izmjene plana nabavki, odnosno dopune plana nabavki sa novim predmetom nabavke koji se nije mogao predvidjeti u vrijeme donošenja plana javnih nabavki, pod uslovom da su za te namjene obezbijeđena finansijska sredstva.

(7) Univerzitet u Sarajevu/organizaciona jedinica je obavezan/obavezna svaku izmjenju ili dopunu plana javnih nabavki objaviti na svojoj internetskoj stranici, odmah po donošenju odluke o izmjeni ili dopuni plana javnih nabavki.

#### **Član 7. (Izveštavanje)**

Univerzitet u Sarajevu/organizaciona jedinica je obavezan/obavezna dostaviti Upravnom odboru Univerziteta u Sarajevu izvještaj o izvršenju plana javnih nabavki za 2018. godinu, u koji trebaju biti uključene i sve izmjene i dopune plana javnih nabavki.

#### **Član 8. (Završne odredbe)**

(1) Ova Odluka stupa na snagu danom donošenja.

(2) Sastavni dio ove Odluke čine sve donesene posebne odluke o pokretanju postupka nabavke od 01. 01. 2018. godine do donošenja ove Odluke.

(3) Ova Odluka će biti objavljena na internetskoj stranici Univerziteta u Sarajevu/organizacione jedinice zajedno sa planom javnih nabavki.

Dostaviti:

- Rektor u Univerziteta u Sarajevu
- ☉ Rukovodiocima organizacionih jedinica Univerziteta u Sarajevu
- Predsjedniku i članovima Upravnog odbora Univerziteta u Sarajevu
- Internom revizoru
- Izvršnom direktoru
- Generalnom sekretaru
- Službi za računovodstvo i finansije Univerziteta u Sarajevu
- Službi za javne nabavke Univerziteta u Sarajevu
- U dokumentaciju Upravnog odbora Univerziteta u Sarajevu
- Arhivi

**PREDSJEDNIK  
UPRavnog ODBORA**

**Dr. sci. Murat Ramadanović**